

佛說德護長者經卷上

德護隨言也梵語戶利多

毀七

隋天竺三藏法師那連提耶舍譯

陳秀利

如是我聞一時佛住王舍城耆闍崛山中與大比丘眾千二百五十人大菩薩眾五百人俱各從佛刹而來集會得無所有無作行神通得幻生神通得清淨離塵信心成就得無障礙聞生得深入一切相如幻得如影身遍現一切佛刹得如響聲能持法輪得如夢智隨順見一切佛世界得能隨順阿僧祇如來行處得無障無礙大智境界

其名曰清淨辯才菩薩放光炎菩薩端嚴蔽菩薩無量光菩薩雜蔽菩薩不定住佛刹菩薩說佛法丈夫月菩薩陀羅尼善根成住菩薩毗盧遮那差別蔽菩薩如是等五百大菩薩俱一一菩薩各有阿僧祇菩薩以為眷屬

爾時天龍夜叉捷闍婆阿脩羅迦樓羅緊那羅摩睺羅伽比丘比丘尼優婆塞優婆夷國王大臣沙門婆羅門刹利長者居士及諸小

王種種外道信心清淨者尊重恭敬讚歎如來多以上妙衣服飲食卧具湯藥種種供養供養如來佛以慈心為欲利益諸眾故受彼供養非為貪故何以故一切福田中佛田最勝如來具足無量定無量慧無量解脫無量解脫知見如虛空無邊法界無邊五分法身亦復無邊能捨施者增大功德成就不可思議果報又是一切世間導師善能教導一切眾令不捨佛法樂福德者為作無盡福田於一切眾行平等慈於一切智得解脫自在時諸外道遮羅迦波利婆闍迦等一切外道遠離信心但生貪欲又以不得恭敬供養尊重讚歎衣服飲食卧具湯藥而生嫉妬見佛相好端嚴多有徒眾眷屬諸外道等無如是事而生嫉妬見佛具四辯才能說諸法自無辯才而生嫉妬見佛大得利養自不得故誹謗於佛作大惡名見佛威德尊重見者悚懼如大國王自無威德故生誹謗見佛具

足內外功德三十二相一切種智衆生愛樂
自無此事而生誹謗見佛具足神通智慧隱
顯自在變現無礙一身爲多多身爲一身力
自在乃至梵世善知過去未來一切業報差
別之相善知現在衆生心行如應說法貪欲
多者爲說不淨觀法瞋恚多者爲說慈悲觀
法愚癡多者爲說因緣觀法衆生信受遠離
貪欲瞋恚愚癡諸外道等無如是事而生嫉
妬爲作惡名見佛具足四無所畏大師子吼
決定能說若如是者得沙門果不如是者無
沙門果諸外道等無實知見顛倒謬說故生
誹謗見佛具足大慈大悲憐愍一切於諸衆
生而得自在如觀掌中菴摩勒果自無此事
而生誹謗見佛多得供養尊重讚歎天人欽
仰不得如是具足供養心生嫉妬爲作惡名
見佛如是種種功德具不可壞自不具故而
生嫉妬誹謗如來彼諸外道過去福盡新福
不生入於惡見曠野稠林譬如有人入大曠

野迷失正道不能得出彼諸外道亦復如是
離於智惠於諸惡見不能得出不信正法不
供養僧失於善根生種種惡見有所言說悉
皆顛倒不信業報不知十二因緣等法行惡
見稠林非真實道於諸法中如生盲人時諸
外道六師眷屬及裸形外道等悉皆聚集詣
論議堂而共議言瞿曇沙門昔未出時未見
大沙門時此闍浮提一切人民悉歸屬我信
伏我法隨我所欲瞿曇出世一切人民捨我
等法不復供給衣服飲食卧具湯藥亦不恭
敬尊重讚歎不受我語我等今者當設何計
復更議言瞿曇沙門雖復具足福德智惠能
化央伽摩他羅國一切人民悉令歸化而不
能化彼之德護長者一人此王舍城唯彼長
者不信瞿曇獨受我法供養恭敬尊重讚歎
布施我等衣服飲食唯屬我等左捷陀若提
子末伽利拘舍梨子般浮多迦旃延刪闍耶
毗羅坻子阿支羅翅舍甘婆羅富蘭那迦葉

等大衆之師諸餘沙門及婆羅門初亦未曾得至彼門我等徒衆若至其家彼人能以誠心種種供養彼人今日信報成就於我等所生勝信心深徹骨髓王舍城中國王大臣刹利婆羅門及諸餘人無有如是堅固信心沙門瞿曇及一切婆羅門諸餘外道等亦無能壞彼人信心我等於彼而得自在聞有所說必定信受今者宜應往至其家具以上事向其人說復當教彼於七重門下各作火坑其一坑深沒七人滿中安置佉陀羅炭無烟之火以銅爲梁草土覆上瞿曇將至當以水灑并散諸華瞿曇若蹈必當陷死若不死者復以毒藥置飲食中與之令食作是事已遣請瞿曇就家飲食瞿曇若是一切智者必不受請不爲火毒之所燒害若其非者受請無疑時諸外道作是計已即共發往至王舍城到彼於德護大長者家至其家已便一向立是時長者見諸外道心大歡喜踊躍無量就

彼作禮既頂禮已廣爲處處安置床鋪勸令就坐既就坐已合掌曲躬作如是言我常思念今忽遭逢善哉善哉天念我故令諸導師諸大德衆悉來集會爲作福田尔時長者見諸外道悉皆坐已次第行水安置器盟設種種食食已洗竟是時長者於大外道牀前別安小座而坐時諸外道盧竭多密多尼延咤等一切外道既見長者安坐已定作如是言大長者我等本於大議論堂聚集之時先有如是籌量瞿曇沙門未出之時未見大沙門時一切閻浮提十六大國央伽摩陀羅等悉皆屬我隨意自在信受我語恭敬供養尊重讚歎供給衣食卧具湯藥自彼出來唯信彼法棄捨我等不復尊重恭敬供養亦不供給衣食卧具湯藥十六大國央伽摩陀羅等悉爲瞿曇之所統領唯汝一人是我擅越信受我語瞿曇沙門種種方便不能破壞令汝信受央伽摩陀羅等十六大國無有及汝信我

毀

志長者上

四

香

語者一切國人及大王等亦信汝語是故我等生如是計共汝平章汝今信我我亦信汝所有言論義無有二莫令漏泄使外人知大長者汝今決定大須信用我等計校可於汝家七重門下一一門內作大火坑各設七人着法陀羅炭無烟之火以銅為梁遍敷簾條薄以土覆瞿曇將至以水灑上復散好華瞿曇若過必當陷死若燒不死復以毒藥安着食中作是事已遣請瞿曇彼若定是一切智者必不受請非一切智受請無疑尔時長者聞六師教心大歡喜歎言善哉此計甚善快適我願我今堪能種種備辦唯願大師莫為憂慮六師各言若如是者可速辦長者各言善哉如教事事順從便當造作火坑毒食躬請瞿曇我若不殺亦更無有能殺之者此計甚要必果所願說此語已歡喜踊躍覆自思惟我師所說甚善甚善時諸外道教長者已各自慶幸昔來所說今悉不違作是讚言

讚

佛說長者經

五

秀

我今教其捨離善事造作惡業捨離無貪無瞋無癡安置不忍貪瞋癡道非理之教尚能隨順善哉長者大信我語發大喜聲或歌或嘯各各辭退還其本處

尔時德護長者子名曰月光年至十六形貌端正人相第一身有二十八種大丈夫相衆生見者觀無厭足已曾供養過去諸佛植諸德本於多佛所聽受正法於八億佛所淨修梵行聰慧利根勇猛堅固具足辯才質直無偽心口相應得念佛三昧於諸佛所常得喜心於正法中常得歡喜悅樂之心心無怯弱得四辯才得不壞信於諸法中心無疑網能以上妙衣服飲食卧具湯藥供養衆僧善能說法得陀羅尼得不退轉地阿耨多羅三藐三菩提於菩提中得不可思議身心於一切衆生中得大慈不壞心常勤教化一切衆生不退一切智願能壞一切魔怨摧伏一切外道得智慧方便得深智慧能捨如雲持戒清

淨忍辱如地精進堅固於一切法中心不動
亂能行智慧如實而見一切諸法一切法中
得法津澤以最勝信心供養諸佛於佛種種
功德悉生信樂悲心清淨於一切衆生生憐
愍心信念堅固如金剛山不可傾動得不忘
念差別智慧能受一切法徹到彼岸智慧了

知一切佛法方便之行福德善力不可沮壞
住四辯才心無怯弱於父母所知恩報恩於
一切佛法得最勝心常爲衆生說佛功德若
見若聞諸佛神通心無厭足善能攝取諸智
慧者能說一切諸佛境界一切佛法悉能講
說是長者子成就如是等功德如是等無量

法器廣說無量嘆不可盡是月光童子知父
長者信受外道欲害如來即至母所白其母
言母今知不父心顛倒受外道教失於本心
於外道所得歡喜心深生敬信是諸外道自
造三惡道業亦令父作三惡道業母今莫受
父邪見語誹謗於佛何以故佛出世難久遠

受

古德長壽

六

秀

劫來不可值遇或一劫十劫千劫万劫乃至
不可說劫諸佛名字尚不可聞何況得見佛
能清淨諸衆生心具足神通智慧了達無有
障礙善能教化一切衆生所行無礙於三解
脫佛最第一於一念頃知一切法如來善住
一切法中如來能知一切衆生所生之處佛
真實語爲諸衆生而作證明能除衆生身心
苦惱種種怨敵於諸境界無所取著母當信
佛莫信六師虛誑之語我敬母故爲報母恩
奉上此語何以故母懷我身滿足十月受大
苦惱生我身時半死半生絕而復蘇我念此
恩未曾遺忘設於無量百千万劫亦不可報
我心常願共母往見百万億那由他佛常願
共母聽諸佛法常願共母往見一切菩薩行
處常願共母往見一切菩薩淨佛法處常願
共母往見一切不壞清淨信處常願共母往
見一切作佛事處常願共母往見一切香華
衣服卧具湯藥供養佛法僧處常願共母往

見一切聖人行法之處常願共母往見一切
信根成就無有顛倒至涅槃處

余時其母月雲告月光言善哉善哉得聞汝
說汝實大悲於父母所深生憐愍開導善事
如大導師汝亦如是所說法者今悉信受我
今為自清淨心故亦願安隱諸眾生故發誓

與

惠長者上

七

秀

提心廣心上心無量心歡喜心生清淨心於
諸法中得無疑心不顛倒心具足信心眾僧
之中具有解脫解脫知見能破一切煩惱諸
結應當於彼生清淨信供養恭敬佛德無量
佛行無量佛境界無量所說妙法亦復無量
利益眾生亦復無量如汝所說佛德無邊我
今無智說佛功德月光我常信佛不生惡心
汝不能具盡真是我大善知識能為我說佛
無量德於無量千萬阿僧祇劫說佛功德無
有厭足不得邊際余時月雲為子說偈
無量百千萬億劫
汝能於佛生勝信

佛名難聞況得見
如是信心實難得

我今信佛無量德
汝今來生在我家
能使我心清淨信
汝今猶如我父母
譬如父母將子去
我等無量千萬劫

汝真是我善知識
令我安住最勝念
永得出於三惡趣
非唯是我善知識
尚欲度脫他眾生
能令合家諸眷屬
亦復遠離三惡趣
佛出世間甚為難
汝今能來生我家
汝今真是大丈夫
汝今真是諸佛子
誰能與我難得兒

不可得聞況眼見
我今見汝如導師
不可思議諸佛法
亦如諸佛生我家
得至諸佛無漏處
不能報汝今日恩

世世常為清淨道
決定信佛無有疑
常得安住人天道
亦是眾生善知識
況復眷屬親父母
破壞一切諸怨結
超出住於天人道
經於無量百千劫
希有難值亦如是
善能巧說微妙法
於佛常生歡喜信
今乃來生在我家

我子月光甚希有

常能讚嘆一切佛

尔時德護長者家內眷屬一千姝女聞月雲夫人及月光童子說是偈已皆大歡喜踊躍無量同聲讚言善哉善哉不可思議不可思議月光福伽羅數生我家此丈夫者尚難得聞何況得見是人隨所生處或閻浮提城邑

毀

德長者上

八

香

聚落若有見聞親近供養共坐共語永離惡道何況生在家中而不利益父母親屬令離惡道尔時德護長者送外道已便出王舍城詣耆闍崛山躬往請佛遙見世尊相好莊嚴不可思議六根寂靜得最勝陀摩他奢摩他得最勝第一陀摩他奢摩他守護諸根如調

大龍如大池水清淨不濁放無量百千億那由他光炎威德嚴儀難可觀覲見者歡喜德護長者既至佛所種種軟語共相勞問白佛言願佛及僧憐愍受我明日供養佛知長者受化時至嘿然受請長者知已心生歡喜稽首辭退下耆闍崛山入王舍城至六師家到

已作如是言沙門瞿曇及諸徒眾已受我請以是得知非一切智諸外道等聞是語已心生歡喜倍增踊躍慶賴無量喜滿身心語長者言今可還家速辦所設火坑毒食如上所說令遂所志

尔時長者即便還家勅語家人營辦斯事時

子月光見父興心造作惡事心生憂悴而諫父言此事不吉莫於佛所起不善業何以故諸佛難壞故一切天人龍及鬼神若於如來起惡逆者無能破壞一切刀劍不能傷毀一切猛火不能燒害設地獄火燒之不暖況人火耶如劫盡時七日並現三千大千世界滿

毀

德長者上

九

香

中盛火烧至梵天及鐵圍山尚不能燒佛之一衣况欲以此微小火坑燒害如來無有是處設霹靂火如須弥山尚不能至如來行跡四威儀處况此火坑而能燒害一切世間所有大毒如大海水佛能消滅况以小毒雜置食中而能害佛設使毒藥高如雪山佛眼視

之自然消滅況此毒食能有所害願父莫如
小人造諸惡業作遠佛因緣一切有福德者
方得親近願父莫於佛所而生惡逆瞋害之
心一切衆生心性清淨莫起煩惱染濁汙心
莫與外道共為一手勿以小芥比須弥山牛
跡之水同於大海莫以蜘蛛小網欲遍虛空

莫以一塵之力欲動須弥莫以斫迦羅山內
一毛孔莫以一沙欲令充滿三千世界何以
故佛智無量無障礙故出過一切世間礙法
故佛具十力餘力不能壞故如來那羅延力
一切衆生作惡不能加害故如來堅固不可
沮壞如來常住住真實際如來無取一切法
中離於取著如來於三世中無所依止如來
寂滅無有處所如來最寂離諸惱熱如來寂
滅於一切衆得最第一如來無比過諸譬喻
如來三業隨智惠行如來清淨離塵法行如
來勇健破壞一切諸魔外道如來辯才具無
盡力如來善調能令未調得伏故如來善寂

能令未寂得寂滅故如來智水能灑衆生諸
煩惱故能令多煩惱者無煩惱故如來於一
切衆生中尊得一切智冠故如來大雲能雨
一切法雨不可盡故如來能滿足一切衆生
心行故如來得不誑智能知衆生心行如應
說法故如來能開一切衆生過去善根行故

如來能滅一切衆生煩惱流故見如來者觀
無厭足故佛於一切菩薩中無等等故如來
能盡一切煩惱故如來能斷一切煩惱暴河
故如來於一切衆生大悲滿足能覆護故衆
生見者皆得安隱不空故如來善逝猶師子
王於諸世間無所畏故如來於一切世間最
上三世衆生不能染故一切世間勢力自在
不能壞故如來上上窮盡一切法界法故如
來寂滅離戲論故如來一切知一切見能知
過去未來現在法故未得菩提先已預知成
菩提時王舍城中有大長者名為德謙以濁
惡心欲作大坑毒食殺害如來亦知因此惡

心因緣能得最上清淨勝信捨離濁心如來於作惡作善眾生皆能教化令作無上菩提因緣願父放捨一切惡念毒害罪心何以故譬如有人供養大地復有一人燒斫大地於此二人等與利益無所分別佛亦如是於供養者於打罵者以本願故皆悉爲作得道因

緣是故如來爲一切眾生種善根本於一切福田最上第一若有供養佛者於三界中必定能出佛是一切眾生大善知識父令於佛生惡心者爲失自身爲燒自身趣向地獄受諸苦惱然如來身不可毀壞一切外道及諸眾生亦不能壞何以故如來已離三毒猛火

於無明中已得解脫得三世智能知眾生過去現在離一切罪得一切福成就一切諸善根本是故父應深生信樂莫於如來起怨家想莫受外道愚癡所說遠離於佛莫於佛所生惡逆心莫生怨心莫於如來善知識所生惡害心墮落三塗後當悔恨上時德護長者

發

惡長者上

上

秀

告月光言若如汝所說佛有無量功德是一切智知他心者我以惡心作火坑毒食何故不知而受我請

爾時月光白其父言佛實一切知實一切見悉見悉知父所有惡心亦知因此惡心而得調伏佛智慧最大智慧自在覺知具足爲欲除滅父惡心故今受父請非爲食故父當念佛大莊嚴念佛大神通佛大慈悲爲欲令父惡心濁心得解脫故而來至此欲令惡攀緣者作善根故爲欲令身作解脫故得調伏故欲令闇心作明心故欲令黑心作白心故欲令濁心作淨心故以父信受外道惡濁令大清淨故一切三界苦聚欲除去故父若不信佛具種種大神變者明當自知

爾時德護長者過此夜已至明清旦遣使迎佛告言汝如我語白大沙門供具已辦當知是時爾時使人出王舍城詣耆闍崛山到佛所已白佛言世尊德護長者供食已辦願佛

知時亦時佛告諸比丘著身持鉢往於德護
大長者家受彼請食時諸比丘白佛言唯然
受教便各還房著衣持鉢至如來所各一面
立亦時如來如大師子王奮迅從其四牙一
一牙放百千億種種色光一一齒亦復如是
兩手兩臂兩肩及頂肉髻各放百千億種種

色光眉間白毫復放百千萬那由他種種色
光舉身亦放無量百千萬那由他種種色光
於曾德字復放無量千萬那由他種種色光
從其齋輪復放光明名破一切闇百千萬那
由他種種光明而為眷屬復以神力出無量
光其光遍照東方盡一切佛刹如是南西北
方四維上下盡一切佛刹光明遍照亦復如
是

亦時東方過三千大千世界微塵等佛國有
世界名閻浮幢光彼土有佛名曰仁自在王
多陀阿伽度阿羅呵三藐三佛陀現在說法
彼有菩薩名須彌光與阿僧祇眷屬圍遶復

數

意者上

十一

至

有一萬菩薩同號須彌光皆共發引向娑婆
世界所經諸國與大寶雲雨種種寶到耆闍
崛山至於佛所頭面禮佛為見佛故為恭敬
供養故為見月光童子故為憐愍王舍城中
德護長者故來至佛所

亦時南方過三千大千世界微塵等佛刹有
佛國名火味佛號善住寶幢王多陀阿伽度
阿羅呵三藐三佛陀現在說法彼佛刹中有
菩薩名普德光炎王復有一萬菩薩同號普
德光炎王一一菩薩各與阿僧祇眷屬恭敬
圍遶皆共發引向娑婆世界所經諸國放無
量阿僧祇光明充滿世界為見佛故為恭敬
供養故為見月光童子故為憐愍德護長者
故來至佛所

亦時西方過三千大千世界微塵等佛刹有
佛世界名一切莊嚴佛號一切普光多陀阿
伽度阿羅呵三藐三佛陀今現在說法彼佛
刹中有菩薩名普炎雲王復有一方菩薩同

号普炎雲王一菩薩各與阿僧祇菩薩以
為眷屬恭敬圍遶向娑婆世界所經諸國興
雜寶華雲雨雜寶華出過一切天人供養為
見佛故為恭敬供養故為見月光童子故為
憐愍德護長者故來至佛所

毀七

佛說德護長者經卷上

導同與 礙 謬反苗幼 稠林上直流反 裸胡瓦反 又

也 軀刪反 所 顏 垆音 佉陀上丘反 操音 陷咸字反 器

血下明丙反 噍音 籌量反直流 評童上音 漏

泄下思 策條二字音 除 嘯反才 沮壞下音 才

怨敵上音 徒 的 反 下 相勞到反 憂悴下才 霹靂上音

音 覓 反 下 蜘蛛知株 奮迅下私 問 反

嘉慶府華縣縣竹鄉三保平步橋西街南面北宅住奉
佛女弟子張氏七娘同地燒香養等 合施淨財四十斤
同鄉保祠山廟東面南居住奉
佛女弟子張氏十五娘施財二十斤同恭入 平江府延聖院合刊造
大威德護長者經上卷所集功德款行年本會呈君 伏願人三增於福壽各
除雜障者

嘉慶三年正月 日謹題

法澄 法昇 志圓

佛說德護長者經卷下

毀八

隋天竺三藏法師 那連提耶舍譯

尔時北方過三千大千世界微塵等佛刹有
佛國土名曰炎光佛号德藏峯奮迅王如來
多陀阿伽度阿羅訶三藐三佛陀現在說法
彼佛世界有菩薩名盧舍那放大光明復有

一萬菩薩同号盧舍那放大光明二菩薩各
與阿僧祇菩薩以為眷屬恭敬圍遶向娑婆
世界所經諸國放諸沉水清淨香炎其香普
薰各過十方諸佛世界十阿僧祇倍遍滿世
界出過一切天人莊嚴為見佛故為供養故
為見月光童子故為愍德護長者故來至佛
所尔時東北方過三千大千世界微塵等佛
刹有佛世界名一切寶莊嚴佛号法自在王
如來應供正遍知明行足善逝世間解無上
士調御丈夫天人師佛世尊現在說法彼有
菩薩名離障礙神通復有一萬菩薩同号離
障礙各與阿僧祇菩薩以為眷屬恭敬圍遶